

prælium quod futurum inter Anglos, & Hibernicos cruentissimum ad Molleaghmaſt, credulis fabulosæ antiquitatis, & vanis vaticiniorum admiratoribus libenter relinquo. Non enim ego fabellis indulgere decrevi. Hi Mediterranei sunt *Lagenia* Comitatus, nunc maritimis sunt adeundi.

### C O M I T A T U S W E I S F O R D.



Vb eo ostio quo *Birgus*, *Neorus*, & *Suirus*, fororii amnes se amplexi in Oceanum consociatis aquis conduntur, se exhibet ad *Ortum* in promontorio quo littus circumagitur *Weisford* sive *Wexford* Comitatus Hibernice County *Reogh*, ubi olim *MEN APII* à Ptolemao collocati. A Menapiis maritima inter Belgas gente hos Menapios advenisse nomen quodammodo innuit. Verum an ex his, vel illis *Carausius* ille fuerit, qui assumpta purpura Britanniam contra Dioclesianum occupavit, dixerint alii. Illum enim *Menapia civem* vocat \* *Aurelius Victor*, & *Menapia* urbs non in *Belgica*, sed in *Hibernia* à *Geographis* statuitur. In hoc ad *Birgum* flu. *Ross* urbs ampla olim floruit, mercionis & habitatoribus frequens, ab *Isabella* Comitis *Richardi Strongbow* filia mœnibus magno ambitu armata, qua solummodo nunc ostendit. Discordia enim inter cives & religiosos flagrante jam pridem in nihilum fere recedit.

Magis ad *Ortum* *Duncanon* præsidiarium castrum flumini ita impendet, ut naves ne ad *Waterford*, vel *Ross* adeant, omnino imperat: unde hunc locum cum Hispani Hiberniæ anno C I O I O L X X V I I I, imminerent communire visum erat. Inde ad ipsum fluminis ostium cervix excurrit angusta quæ æditam turriculam navigantibus prætendit, à *Rossensibus* cum flouuerunt positam, quo tutius ostia subirent. Parum hinc abest sinuoso in littore *Tintern*, ubi celebre monasterium posuit *Guilielmus Marescallus* Comes *Penbrochiae* & *De Voto* nuncupavit, quod gravissima tempestate conficitatus se positurum voti sponsione Deo obstrinxit; & hunc in locum naufragio ejectus ex voto præstítit.

Hoc ipsum Promontorium *HIERON*, id est, *Sacrum*, vocat Ptolemaeus, & eadem significatio ab incolis etiam vocatum fuisse non dubitarim. Hujus enim extreum oppidum ad quod Angli primam exensionem in hanc insulam fecerunt, *Banna*, quod *Sacrum* sonat, lingua patria vocarunt.

Ab hoc Sacro Promontorio littus in *Ortum* obversum ad Septentrionem longo tractu

procurrit, cui vadosa objacent in mari loca navigantibus infidiosa, quæ nautæ *The Grounds* vocant, *Hic MODONAM* fluvium & ad ejus ostium *MENAPIAM* urbem statuit Ptolemaeus, quæ ita suis nominibus exciderunt, ut aliiquid lucis in tantis tenebris elicere plane diffidam.

Verum enim vero cum unum solummodo flumen hoc loco se effundit, quod Comitatum quasi medium intersecat, & nunc

*Slane* dicitur, & ad ejus ostium ubi stagnat, *Slane flu.*

*Vrbs* sit Germanico nomine *Weisford*, totius Comitatus caput; & *Slane MODONAM* &

*Weisford MENAPIAM* fuisse, confidentius *Weisford*, conjectarim, eoque magis quod hoc nomen

sit recentius, nimurum Germanicum, & ab illis Germanis impositum, qui *Oustmanni* Hibernis appellantur. Cæterum non primæ magnitudinis urbs est, sed cum primis memoranda,

quod primum totius Hiberniæ in Anglorum fidem, Stephanide Duce fortissimo oppugnante, se contulerit, Anglorumque facta fuerit

colonia, unde totus ager Anglis est refertissimus, qui Anglorum antiquo vestitu, & idiomate etiamnum utuntur, ita tamen ut Anglo-Hiberniæ plane loquantur. Dermicius qui

Anglos in Hiberniam vocavit, hanc urbem, & viciniam Stephanidi in perpetuum concessit, qui municipium, juxta incepit ad *Carricke*

locumque natura munitum arte juvit. Sed cum ille ius suum Regi Henrico Secundo in manus tradidisset, in R. Penbrochiae Comitem ille transtulit, ut clientelari jure à se &

Regibus Angliae teneret, unde per Comites *Marescallos*, *Valentios* è stirpe Gallica *Lusigniana*, & *Hastings* ad *Greios* Dominos de *Ruthin* descendit, qui passim in antiquis chartis *Weisfordie* Domini nominantur, licet regnante Henrico Sexto I. *Talbot Salopiæ* & *Weisfordie* Comes semel in actis publicis nominetur. De hoc flumine habe hunc qualemque *Nechami* versiculum.

*Ditat Eniscortum flumen quod Slana vocatur,  
Hunc cernit Weisford se sociare sibi.*

Eniscort enim municipium huic imponitur, & interius ad eundem *Fernes* dignitate Episcopali solummodo clara, quam *Giraldida* castro olim communierunt. Iuxta ultra *Slanam* agitant *Cavenaghi*, *Donelli*, *Montaghi*, *O Moori* Hiberniæ, ingenio turbulenti, & inter eos *Sinotti*, *Roche*, *Peppardi* Angli, cis *Slanam* nominatissimi sunt Vicecomites *Mont-Garet*, quorum primus fuit *Edmundus Butler* è junioribus filius Petri Comitis *Ormondiæ*, ab Edwardo Sexto eo titulo exornatus, ejusdemque cognominis alii plures, *Devereux*, *Stafford*, *Chevers*, *Whites*, *Forlongi*, *Fitz-Harris*, *Browni*, *Hores*, *Haies*, *Coddes*, *Mayleri* Anglici feminis & sanguinis, ut ex plebe plerique.

*Menapii  
pop.*

*Carausius.*

\* *Ab  
Andr.  
Schotto  
editus.*

*Dunca-  
non.*

*Tintern  
Monast.  
de Voto.*

*Hieron.  
prom.  
Byaun  
Hiberni-  
ce Sacrum  
significat.*